

靜修先生文集

豐樂先生文集

靜修先生文集卷之七

五言律詩

除夕

百歲三分一初心謾慨然空囊難避節青鏡不藏年靜
閑無窮世閑觀已定天履端思後日四鼓未成眠

晚上易臺

遺臺連廢壘落日展遙岑海嶽天東北燕遼世古今每
當多感慨直欲罷登臨莫更留塵跡千年不易禁

登武陽

朝游樊子館晚上武陽城潮接滄溟近山從碣石生斷
虹雲淡白返照雨疎明且莫悲吟發樵歌已愴情

鄉郡南樓懷古

南北世更迭江山人重輕澶淵出師詔顯德受降城遺

恨幾時盡寸心千載生區區蓼花詠癡計欲何成

蒲城道中

學館三年夢西山此日行人生兩屐足世累一簑輕別
澗水流合斷林煙補平誰能分半壑相與結巖耕

夏夜

院靜復夜靜幽人卅慮輕是非容勿辨憂寵莫多驚萬
樹烏飛月千家犬吠聲夢回無一事惟有紙窻明

重游源泉

人卅自人卅儻然物外身滄浪來照影白帽恐生塵題
壁雲封石攀花鳥護春今年風景別開卷覺詩陳

張氏別墅

惡木推不去好山招未來豈無平曠地當有妙高臺芳
草趁陰坐雜花隨意開東南村落近試與問新醅

書堂夜夜二首

少小抱孤苦飄零重此行
迂踈從我好憂戚賴天成
風志存無幾羈懷觸又生
寸心同弱草歲晚怯霜清
淹留已半載去住意何深
月色一千里愁人方寸心
秋聲助搖落生理嘆浮沉
松桂清霜滿哀歌動故林
丈室不自掃寸心徒爾豪
出途仍險阻風物故蕭騷
皓月霜洗淨明河天放高
空庭一片石獨坐首頻搔

生日

四十舉兒子明珠掌上稀
圭璋蒙養正朱蜜病防微
春露有時降孤雲何處飛
悲歡共今夕餘涕不勝揮

虞帝廟二首

淫祀徧區宇空山餘帝宮
皇靈有天在像設與人同
身世千年後塵埃百感中
清泉分一酌毛骨潤南風

四顧莽何際，威靈儼若臨。山川尚淳朴，天地自高深。鳳鳥千年歎，簫韶三月音。玄功久無復，徒抱致君心。

奇村道中

此日西塘路，乘閑作勝游。深深柳成巷，脉脉稻分溝。白石長含雨，黃花不受秋。移居新有意，試就野人謀。

城南

山人懶到骨，一出動經秋。欲赴城南約，如營海外游。岸容收潦盡，村色帶煙留。禾黍歲將晚，農家猶未休。

有客

有客談稼穡，對人增感傷。自言二頃業，不博半年糧。宿麥得春旱，晚田經早霜。無功一杯粥，俯首汗如漿。

早行

曙色警初動，物情無久閑。薄凌護頽岸，落月淡空山。殘

夢失逆旅少休期
守關尋常午窓雨
擁被聽珊珊

白菊

僊草尚孤潔
東籬芳未芳
精神渾是露
氣勢已無霜
夜月藏不得
晚風吹又香
天教陶靖節
素髮與交光

水亭夏日

孤亭耿獨坐
一碧澹凝秋
氛雜市聲遠
空明雲影留
傷時仍磊磊
對鏡即休休
幾欲解維去
乾坤無釣舟

野興二首

乘興閑登眺
歸來晝掩扉
靜中見春意
動處識天機
大節始終論
全才今古稀
平生有舊約
常恐寸心違
莽莽榛蕪路
蚩蚩魚肉民
乾坤幾逐鹿
今古一傷麟
眼底人間世
胷中物外春
江山蒲花柳
無負百年身

秋望

病骨秋偏早單衣露亦寒微雲生水際暝色起林端地
迫月潭下樓高山易殘輕風吹欲舉醉袖拂層巒

雜詩七首

堯山唐故國淳朴帶遺蹤種果收奴力開田享素封採
收多上藥景仰近神峯夢寐驅黃犢巖居一老農
聞昔蜚狐口奇兵入擣虛人才九州外天道百年餘草
木皆成騎衣冠盡化魚遺民心膽破諱說戰爭初
冀北高寒境英靈海岳全斯文若程邵家世亦幽燕祀
典今誰舉遺經會有傳吾鄉此盛事瞻仰在他年
關嶺通山後風謠採路傍地寒人好壽草淺畜宜羊用
水如奴婢從川貯米糧西風如有約乘興即吾鄉
何事招提好山深馬可驅松巢低映帽竹溜細通厨霜
粟千封力雲屏四畫圖冠巾如用我白鹿起規模

巖居訪高道少日在風塵回首話前事低眉厭此身江
山資寇盜田畝化荆榛領取天倫重無君愁殺人
水繞千山合雲藏數畝荒初尋香有陣漸入羣成行豚
奔依危石牛蹊帶小塘團茅庵如畫可惜是逃亡

早發濡上

寒出防優逸詩情非浩然煙濃山失色雲重雪連天
戶僊游上冰驄老境前別家志再宿桑海問何年

偶書

擾擾推遷裏誰知不偶然要從人力外推見事機先
青天公眼低昂造物權俗情謾惹喜倚伏有他年

宿田家

偶到田家宿歡迎如遇仙杯盤陳戶側妻子拜燈前
青白眼誰靜炎涼情易偏豈知人世外還有野夫憐

半世

半世恒棲託孤生備險艱寡言非蘊蓄徧性類清閑生
計朝霞上交情暮雨間柴門本無客幽僻況長關

重渡淖沱

遙臨淖水岸回望土門關秋色巉巖上川形拱抱間分
疆人自隘設險地誰慳欲問前朝渡江鷗故意閑

恒山樓

萬嶺尊恒嶽遺臺枕後潭仰高慙對坐哭險負奇探影
落滄溟北雲開斗柄南山靈憐野客今夕費煙嵐

登鎮州陽和門

百尺市門起重過爲暫停毫分秋物色米聚趙襟形北
望雲開岳東行氣犯星憑攔天宇在人事聽浮萍

辛巳中秋旅亭獨坐

分光陰太盛無力掩滄溟大塊供微黑高天失舊青與
從愁外發秋向露邊零點數山河影依稀見草亭

文章

文章費餘力齒髮愧初心璞有連城璧精非百鍊金靜
中天地我閑裏去來今烏散爐薰盡長歌激暮陰

一身

一身能換骨毛髮散冲融氣變精醇後人生感化中朝
陽方杲杲春意正濛濛百載唐虞德方成比屋功

周邵

百年周與邵積學欲何期徑路寬平處襟懷灑落時風
流無盡藏光景有餘師辜負靈臺境圖書重一披

上塚

過家來上塚顧影念孤蹤春露歡迎失寒泉感激濃千

金一毛髮十夢九音容不惜從黃壤多慙未了曾

送東海相士

青鏡雲千變紅顏酒一卮忘言三日雅觀化百年期烈
火誰當救神游亦自竒海山如見問聊舉送君詩

寄答祖丈

先友從游地雍容几杖尊秋風太古觀春日樂郊園妙
理欲自得高情誰與論別離空六載期待負知言

贈答徐生

三年不窺牖城府有山深於道無少得多君肯見臨一
杯上池飲千古水仙音爲子終宵話相期勞寸心

憶金坡道院

平昔多游覽茲游不易忘溝涂春脉脉松石晚蒼蒼有
客愛山谷無家名草堂金坡從此號聊著求相望

過唐水望堯山

神化大無外名山能幾峯威顏渾咫尺天日尚雍容蒲
阪堪飢死重華有舊蹤三謨讀未老於此卜巢松

哭張之傑

義許同生死奪君何遽然無人共清夜有淚葬黃泉苦
疾求子禱遺孤託我憐傷心墓頭字旌孝看他年

其墓道爲張孝子墓

宋道人八十詩卷

往事枕中記新編柱下言知音有銅狄逸史訪金源春
露露濡際秋陽想像存初逢疑夢寐垂淚拜桓溫

宋貌絕肖先子

哀郭勸農

才命不相偶如君良可嗟半生在人下一死更天涯三
歲同君里前年過我家相望已塵跡零落舊煙霞

寒夜

肝膽了無寐襟懷誰與同
更長頭可白燭暗火逾紅
硯滴冰生嬰星流氣吐虹
林鴉先我起鳴噪竟何功

閱竇氏名方

人從大節論士向絕無求獻
可有先見老泉多遠憂
方書空物齊耆舊盡山丘
矯首候斜日窻中倦鳥投

感范女

房望吳中范衣冠相國孫
風流猶李白樵爨已陳雲
感事哀龍種慕名重虎賁
乾坤厭更迭誰與救紛紛

鄉人王母九十

九十青瞳母寒溫白髮孫
桑田閱滄海冠帔記金源
案上春風橘階前雪色萱
移家就隣舍種杞易陽村

哀徐生

去歲登高句霜風秋幾多東籬成惡識西郭動悲歌天
道憐渠在吾文柰尔何送君紅樹下風葉尚吟哦生且
死求予銘爲不朽計東籬事見擊壤集

眼醫詩卷

火景元中暗月光徒外明每當天抹漆未便目無睛暗
自何年有明從底處生若知當告我心事在蟾精

褚母節孝詩卷

寂寞吾鄉國才難婦愈賢題評慚我後旌表聽人先艱
苦初心盡安榮老境偏幽潛天有待留看百來年

寄彥通

吾子今應健山人老已癡迷藏高著眼興廢大觀基感
遇渾非昔忘懷若有思絃歌吾舊隱寂寞暮春時

頤齋張先生挽卷

與先奉直府君同住金太孝

蒼舊晨星盡公亡益可嗟先人曾共學稚子與誰通家
白日明心素青山點鬢華封龍餘爽氣誰與酌煙霞

山中憶故人

故人南郡去消息久無聞瑤草止堪種白雲誰共分屋
梁驚落月鵬翼賦垂雲歲暮一尊酒高歌如見君

何太夫人壽

一首

近親猶致敬結友合升堂薄俗隨遷變淳風墮渺茫吾
人當復古此日得稱觴高詠靈椿句燕山暮色蒼
去歲稱觴後今朝重過庭將軍不好武宅相舊明經拙
宦供行樂忠臣見典刑北堂多竹石歲晚亦青青

送尹宰

百里衡山縣千年陸宰名隣封今見此鄉校可無評俎
豆欲成趣絃歌漸有聲涑陽吾舊隱聞去亦關情

夢採松脂及甘菊

棲遲負松菊夢寐得甘馨
隱逸喜同臭流膏味獨青
人誰借二徑天欲制頽齡
毛骨清猶在枕邊霜露零

鸚鵡

風雨房櫳暗猶疑隴樹昏
無愁緣得食有夢想高翻巧
語誰自脫深憐未是恩
人情多好異渠豈不能言

過奉先

閨遼承宋統此志亦雄哉
置縣名猶在因山勢已摧
百年元魏史千古汝南哀
華表鶴應有悲風海上來

種杞

法出千金要畦容一席
分灌苗身已健採實夢先勤
白棘憑誰辦靈虬祗自聞
知音九節杖惟有華山雲

移甘菊